



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DLXXVII. ad annum DXC.

**Parisiis, 1644**

Epistola LXXVI. Gregorii Papae I. Ad Chrysanthvm Episcopvm Spoletanvm.  
De ordinatione clericorum Viuaniensis ecclesiae.

**urn:nbn:de:hbz:466:1-15221**

disponamus. Circa actus autem vel disciplinam cleri vel filiorum ecclesiae ipsius magnam te habere curam necesse est, atque ita super pastorali studio vigilare, ut de animabus eorum non culpabilis sis, sed apud omnipotentem Deum mercedem potius possis acquirere.

EPISTOLA LXXV.

GREGORII PAPÆ I.

AD MAVRENTIVM MAGISTRVM MILITVM.

Theodosium abbatem commendat, ne grauius in murorum vigiliis affligatur.

*Gregorius Maurentio magistro militum.*

**E**LLIVS noster Theodosius abbas monasterii quod a Libero quondam patricio in Campania partibus noscitur esse constructum, a nobis precibus impetravit, ut eum cum congregacione sua vestrae deberemus gloriae commendare. Afferit enim se in murorum vigiliis ultra vires suas vehementer affligi. Petimus ergo gloriam vestram, ut, siquidem est possibile, de eodem per vos onere releuetur. Si vero ex toto, ut non fiat, hoc est omnino difficile, vel ita illi ex nostra commendatione ipsum leuigantes pondus solitudinis temperetis, ut dum in Dei laudibus liberior vacare voluerit, pro vobis, cuius opere ut leuationem aliquam habeat factum est, securior valeat Dominum exorare, sed & nostram sibi apud gloriam vestram sentiat epistolam profuisse.

EPISTOLA LXXVI.

GREGORII PAPÆ I.

AD CHRYSANTHVM EPISCOPVM SPOLETANVM.

De ordinatione clericorum Viuanensis ecclesiae.

*Gregorius Chrysantho episcopo Spoletano.*

**A**NTE hoc biennium fraternitati tuae Viuanensis ecclesiae visitationis deputaueramus officium, in quo de more scrinii nostri nihil vos de prouectionibus facere voluimus clericorum. Nunc vero venientes huc praesentium portatores predicatorum ecclesiae clericorum, dixerunt sacerdotes se neque in eadem ecclesia, neque in eius parochiis

habere. Hortamur igitur fraternitatem tuam, ut si quidem talem potuerit reperire personam, quæ digna ad episcopalii officii apicem valeat promoueri, huc eam cum solennitate decreti vestrarumque testimonio literarum cele- rius dirigatis. Sin vero hoc nunc inueniri non potest, cum omni studio ac viuacitate personas exquirite, quæ illic in presbyterii ordine valeant consecrari. Quarum vitam actusque subtili prius inquisitione discutite, ut in nullo eis vel sacri Canones, vel ecclesiasticae regulæ valeant obuiare; ut hac prouisione populus illic degens communio- nem, quæ se priuatos ob sacerdotum necessitatem flebili- ter conqueruntur, recepisse se gaudeant, & in ecclesiis il- licis sacra Missarum solennia deesse non debeant. Sed & pro consignandis infantibus fraternitas tua illuc curet accede- re, ut nihil sit quod pastoralis solicitudinis neglecta vos cu- ra remordeat.

## EPISTOLA LXXVII,

GREGORII PAPÆ I.

AD CASTORIVM NOTARIVM RAVENNÆ

Vt de legitimo vsu pallii quo archiepiscopus Rauennas  
vtebatur, inquirat.

*Gregorius Castorio notario Rauennæ.*

Ioan. diac.  
lib. 4. c. 7.

**D**VM Florentinus Rauennatis ecclesiæ diaconus apud nos pro reuterendissimo fratre & coepiscopo nostro Mariniano de vsu pallii ageret, requisitus a nobis quæ es- set antiqua consuetudo, respondit quod in omnibus lita- niis pallio Rauennatis ecclesiæ episcopus vteretur. Quod ita non esse & ab aliis didicimus, & ex epistolis Ioannis quondam episcopi, quas ei ostendi fecimus, euidenter ap- paruit. Sed hoc asseruit quod dicere iussus est. Nam tem- pore quo a te idem Ioannes quondam episcopus est inhibitus, ne pallio inordinate ac temere vti præsumeret, scri- psit nobis hanc fuisse priscam consuetudinem, vt ciuitatis ipsius episcopus pallio in litaniis solennibus vteretur. Qua- rum tibi literarum exemplaria pro tua informatione trans- misimus. Adeodatus vero prædictæ ecclesiæ diaconus, dum apud nos tempore quo hic fuit similiter de eiusdem vsu pallii agere enixius studeret, volentes cognoscere ve-